

बीरो आयो बियाव कर,
भदाओ बाई सुगणा ए,
लाडो ए कोडां ए करलो आरती ॥

हिवड़ो भरीजै हाथ,
धूजै माता म्हारी ए,
लाछा ने केवे नी,
करले आरती ॥

आरती उतारो भीरे री,
बाई सुगणा ए,
बीतोड़ी बाताँ ने बाई,
ए बीसरो ॥

मैला कपड़ा पहर कीकर,
आई ए बाई सुगणा ए,
कोड तो भूली ए काई ए सासरे,
नवा कपड़ा पहरिया जद,
भाणु याद आयो रे,
आँख्या रा आँसूड़ा,
थाळी माय पड़े ॥

सुगना री भेळा क्योँ,

रोवे बाई सुगणा ए,
रामदे सा भीरा,
जग में जीवता ॥

सासरिये सू चाली भीरा,
सासू म्हाने भरजी ओ,
भंवरू ने लेजाओ मती सासरे ॥

रुणेचे में जहर खाय,
मरसू भीरा म्हारा रे,
पाछी रे पूंगल न,
जाऊं रे जीवती ॥

गेली गेली बाई थू तो,
गैला बोल बोले ए,
भाणु तो सुतो रे,
सुख री नींद में ॥

आओ आओ भाणुड़ा,
थाने मामोसा बुलावे रे,
महला रे उतरते रा,
बाज्या घूघरा ॥

सुगणा बाई ने परचो दीनों,
हरजी जस गावे ओ,
चरणों रो चाकर,

पन्नो आपरो ॥

बीरो आयो बियाव कर,
भदाओ बाई सुगणा ए,
लाडो ए कोडां ए करलो आरती ॥

गायक बाबूलाल जी संत देऊ ।
प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/beero-aayo-byav-kar-badao-bai-sugna-ae/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>